

# Kangiqhidjutit

## Tiibiiktut (TB) Higaangniqlu

### Atadjutiqaqqat Tiibiiktutlu (TB) tibaakumik higaangniqlu?

- Ihii! Higaangniq hunngiutauvaktuq puuvvangnut imatutlu higaayuktut aannialaqqittaaktut Tiibiimik aanniarunmik;
- Higaarniq hakuiqtitpaktaa timiup hapummitdjutigivaktanginnik, taimaitumik higaayuktut hakuikpaktut Tiibiimut aanniarunmit;
- Higaarnik hakkuirutauvaktuq Tiibiimut havautinik taimatut ayurnatqiyauvaktuq tuqutiriangini Tiibiimik qupilrut taimatutlu hivitutqiyamik havautituqtukhayut unalu/uvaluunniit angitqiyamik allanik Tiibiikhimavaktut hiamitpagunakhiyuqlu tiibiirniat.

### Higaarnik angiklitivakpa qayangnaqtunik aanniaruniktukhanik Tiibiimik qupilrunik?

- Ihii. Tibaakkunik higaayuktut hilukhivaktut Tiibiinik qupilrunik, Taimatut itniarunakhiyut pingahuiktuqlutik angitqiyamik aanniarunniklutik Tiibiinik qupilrunik higaayuitunit.
- Qayangnaqtuq aanniarunmik angitqiyamik higaayukkuvit hivituyumiklu higaakpakhimaguvit.

### Higaarnik angiklitivakpa qayangnaqtunik aanniaruniktukhanik Tiibiimik aanniarunmik?

- Higaayuktut aanniarutiqaqtuq Tiibiimik aanniarunmik (LTBI) imatut malruiktuqhimayumik pingahuiktuqhimayumikluunniit aanniarunnikhunguyuuq Tiibiimik aanniarunmik higaayuitumit.
- Taimaiqattayuitugaluaqtut Kanatami, inuit tuquvaktut Tiibiikhimayut. Higaarnik angiklitiniaqtuq qayangnaqtumik tuquniarunakhiyut Tiibiikhimayunit aanniaqtut siksiiktukhimayumik.
- Annakhimagaluqtitlutit Tiibiimit kinguani, qayangnatqiyauyuq aanniarunmik Tiibiimik aanniarunniffaklutit pingahuiktuqhimayumik tibaakumik higaayuktut higaayuitunit.

### Qanuriliurniaraluaqqik Tiibiikhimaguma Tiibiimik aanniarunmik higaayukhungallu?

- Higaaruiyklutit atauhiq nakuunikhayuuq aanniaqtailiyarni Tiibiimik aanniarunmik.
- Higaaruiyklutit ikayuutauniaqtuq havautauluni Tiibiimik aanniarunmit nakutqiyamik.

### Qanuriliurniaraluaqqik Tiibiimik aanniarunmik aanniarutiqaquma higaayukhungallu?

- Higaarniq turrangayuq amihunut qayangnatqiyanut aanniarutinut akhutlu aannialaqqinnaqpiaktuq puuvvangnut, taimaitumik higaaruiyaruvit nakutqiyauniaktuq nalvaktauguvit Tiibiimik aanniaruniktutit.

### Qanuritpattauq iglumi higaaktunit puyuit naimaplugit?

- Naimaplugit iglumi higaaktunit puyuit qayangnangniaqtuq tamagingnik latent Tiibiimik aanniarunmik imatutlu aanniarutit Tiibiimik aanniarunmik nutaqqanut inirniitutlu.
- Hivituyumik naimaplugit iglumi higaaktunit puyuinik nutaqqat inulramiitlu inirnit, qayangnatqiyauniaqtuq aannialiklutik Tiibiimik. Inuklu higaaraluaqluni hilami, aannuranginit naimannaktut nakungittut aullalimaittut nutarannuat nutaqqatlu aannikhakpaktait nakungittut qanikliyarangamik aannuranginut.
- Tiibiikhimayut higaayuktut iglumingni qayangnakhitivaktait ilatik Tiibiimik. Anginiqaqtuq iglut higaaktunit puyuitpakkungni.